

齋謝之後小災即消大災未釋當急避之避之所往依崇澤儀仰觀俯察精密勿宣且如天文說大災必除除災招福先由此經此經要法內外所珍衆聖所貴流芳无窮矣

二王君至秘此魏華存受旨行之有驗後傳獨立又隱此文修之者寡成真者疎玄名圖錄必得之耳

上為國師中為民間師下學修身末為人師此為三品也

洞真太上八道命籍經卷上

洞真太上八道命籍經卷下

專

太上大道系周十方人之動靜在八而已四面四維上屬下方上方攝統乎八八卦正神施行八炁太一為主三元流通流通人間間中有路路通善人有玉簡者習向道選

出乎八門導達遊宴適乎十方十方聖衆皆

從八門得出八道命籍悉載衆聖所行行化

濟善日陽月陰陰德隱通通神妙訣聖真所

秘齋禁彌嚴未能解罪不得見聞聞見不解

解亦不行行亦不驗徒勞增愆若有至誠精

思玄感必能解罪必見此經必曉此事必獲

重福邊修即驗克成真矣的謝齋法法身獨

修若有同志二人三人乃至九人不得過也

脫善緣運會偶多賢明九人之外別更結齋

慎勿彊共干忤九天求福得禍明各慎之

凡師友疾厄不堪躬齋同學志人可得相為

獨及有侶亦極九人法師知講監齋侍經侍者侍燈執簡如法

的行八道四時六事八節五行二十四氣信

德土功周遍內外是故无復四季之齋也

凡相為的齋悉不得受職主人所用精案四

科

的謝齋竟四科所輪然而施行勿使他覺有相問者方便答之偶有布施或云奉上彼苦不受勿彊致猜更復與他他會受者不須語人道彼受不受也

的謝齋法通用三元日數則異春九夏三秋

七冬五日夜行道六時三時朝朝中乾菜果

實隨人未至數日掃灑內外整理法物逆辨

精新不得臨時率爾充限禁隔唯嚴不得置

雜營齋之身不得出外出外勿還還則別住

慎勿冒前誤至齋所外來信使住門傳言內人

譯語先水吩嗽去又嗽之不得忽略施安壇壇

堂房牀帳几案香具薦席井幃步障幔淨

潔潔完厨帳井竈浴室及團厠皆當燒諸名

香勿令臭炁發泄穢人住處各立團厠坐卧

解脫不得相涉高卑混同俱被災考防禍求

福明加慎之齋集之夕或食或不食漿藥各

異沐浴當同雖久長齋亦宜沐浴消息治辭

人定啓告清嚴入室依常朝儀至大懺讀文

有侶者唱稱名位法師叩齒三十六通長跪

得策飛軒遊宴五嶽乘虛落煙

四者先身貞潔不淫不姦不食不慾見色无
懼心如死灰執固道源今身所行與先不異
得報靈人超度三塗五苦不經

五者先身施善願天普隆同得昇度去離八
難衆身不過己身不安割己之服以拯窮寒
損穀餉鳥遺物空山今身所行與先不異四
司稱善感徹玉皇書名紫簡禮補上僊

六者先身忠孝恭奉尊親崇敬勝己宗禮師
君腹目相和如同一身心无嫉妬口无輕言
內外齊并動止合真今身所行與先不異得
受靈人不經三塗超過八難善善相注福福
相因如此之報道豈負人

七者生世不良懷惡抱毒攻伐師本嘗毀聖
文不崇靈章疑二天真外形淨好假求華榮
口是心非行負道源竊盜經書不盟而宣泄
靈秘訣流放非真今身所行與先不異違科
犯忌身入罪源七祖橫催責及窮魂身死負
掠食火踐山三塗五苦萬劫不原楚撻幽夜
痛切其身夫欲修學熟尋此文改惡行善速

登神仙

七傷如左

真人曰學貴六合宜慎七傷

第一之傷帶真行偽淫色喪神魂液泄漏精
光枯乾悉散魄零骨空形振神泣窮府上聞
天關真仙速逝則與凡塵結因土府同符豈
復得仙

第二之傷外形在道皮好念真而心抱陰賊
凶惡內臻願人破敗嫉能妬賢口羨心逆面
懼內嗔形論得失造罪原毀謗同學攻伐

師根三官所記標為惡門仙真高逝邪魔攻
身走作形景飛散體神故令枉橫極其惡源
考滿形及滅已九泉圖有玄名豈保自然

第三之傷飲酒洞醉損炁喪靈五府攻債萬
神振驚魂魄飛散內外朽零本室空索赤子
悲鳴真仙高逝邪魔入形如此之學徒損精
誠雖有玄記空失玉名神昇上官身及幽冥
恍惚延年焉得久停

第四之傷行不敬物責人宗匠心忿口形罵
詈无常嗔喜失節意性乖常悉激神散內真

飛揚魄離魂逝九孔塵埃五府奔喪皆由性
之不純行之不祥真仙高逝外府入形如此
之學將欲何蒙雖有玄圖不免斯殊望仙日
悠地理日長

第五之傷或玄圖表見得受寶經或運值靈
師啓授神文而不依科盟形泄天真未經九
年投刺名山使青官有錄金闕結篇便傳於
人流散世間輕真泄寶考結己身徒有玄名

及累七玄仙道高逝身死幽泉長充鬼責萬
劫不原

第六之傷身復淹精靈關失先五神飛散赤
子奮揚邪魔來攻內外交喪如此之學望成
及傷真仙高逝空景獨行淪於混濁仙胡可蒙

第七之傷咬食六畜之內殺害足口之美臭
悉充於藏府伐生刑於非己真悉擾於靈門
遊神駭於赤子魂魄遊於宮宅濁滯纏於口
齒真仙高登於玉清已身沉頓於地里徒有
玄名帝簡亦不免於必死

高聖帝君曰為學之本當以七傷為急既得
瞻盼洞門披觀玉篇不犯七傷之禁將坐待

靈降白日昇晨如外勤存學內不遺於七傷者此將望成而反敗期生而反亡希吉而反凶求飛而反沉靈仙遊於高清五神散於八荒赤子流泣於中宅遊魂悲鳴於玄空故仙相有成敗上學有七傷焉向之士熟精其真諸有神挺應圖瓊胎紫虛名題東華得見七傷檢文自无此挺靈篇不可得而妄披寶文不可得而輒看見此文者玄質合仙九年修行克得飛行玄虛上昇玉清誦戒從第五始為第至後還前取第一周第四訖不須讀前後序說文多不盡者誦戒畢起向前燈叩齒三三通密呪明燈頌三首

復鑑出誦呪嗽還房動止皆如朝儀明且丑時同起清嚴寅時登臺至力嗽呪存師亦如朝儀凡不師世師啓告玄盟者存玄師青童君在方諸宮願賜降現咬訣長生神仙速就宣化无窮存師竟仍臨目叩齒三十六通呪曰北帝大魔王受事帝君前泉曲之鬼四明鄴山千妖混形九首同身神虎放毒鹹滅雷震真音神公吐呪所戮无親太微有命攝錄山川鳴鈴交擲流煥九天風火征伐神鋒十陳凶試伏滅萬精梟殘妖毒敢起受閉三關請依洞法莫不如言畢又叩齒三十六發鑑竟向北長跪亦可小坐叩齒三十六通出官

謹出臣妾某等身中四肢五體玉門紫閣三十九戶上真靈官左右飛仙玉虛侍郎五帝五色元皇太真飛龍功曹神仙使者各三十六人玉虛侍郎執飛仙羽節九色耀天之麾五帝五色元皇太真手執五帝命魔靈幡飛龍功曹冠帶羽服金真鳳章神仙使者交繞七元擎持玉案對立臣妾等前銜臣妾等口

中秘言乘金根紫蓋丹轅瓊輿飛雲之輪從金仙玉童太華玉女各十二人左右龍虎騰天羽騎二十四萬眾飛行紫虛上登九天之上金闕玉殿瓊房丹室之內上啓上上无極无窮至上洞真九玄元父太虛玄母元始天王高上玉虛萬道丈人鬱單無量天王上上禪善无量壽天王須延天王寂然天王不驕樂天王化應聲天王梵寶天王梵迦摩夷天王波梨答怒天王七十四天帝三十六天王三十六土皇萬始先生三天玉童九天丞相太真王高上三十九帝二十四玉皇玄古先生萬始丈人高上玉晨太上大道君後聖金闕帝君扶桑暘谷神王四司五帝南極上元禁君西臺龜母上清太真玉保王上相大司命高晨師東海玉門青華小童君泰清玄元上三天无極大道太上老君太上丈人天帝君九天仙都君九炁丈人等百千萬重道炁千二百官君泰清玉陛下太極四真无鞅數道上皇真人无極天尊係自然玄都元皇

遭遇靈運因緣福慶輪轉法門得生人道忝
 蒙高虛餘光曲暎啓悟愚昧得以鼻貧仰披
 聖文法師道士男女其人姓名授臣妾某高
 玄九天龍書鳳章太上玉簡三清寶文如干
 卷如干符如干訣或先人某承受某師上清
寶經世世相傳或因緣所
 遇某年月日時於某處所得供養研尋周覽及覆諮請師
 尊解釋疑滯或即年尋師不能知值並願遵
某年月日時某處某盟誓願遵
 修以果心願但生長五濁而叨慕三清身染
 穢累日月遷延未能騰景浮輪九玄沉淪下
 世業行多違戒律虧督舉止罹愆四司所執
 結罪科門敢緣聖典盟授齋文太真三元要
 訣三品上應九玄合丹鎮生中應六合以解
 已身犯科違戒宿結之愆下應三才拔度七
 祖釋九陰之責上死魂生天此高上妙法求
 仙之本根臣某等貪道樂真志願修行某或
 誦經戒或合丹精令未合者云比欲經營藥
 物神仙要方合和神丹或禁九散酒餌自慮
 无始中來因緣淺淺今功尚薄合和不成又
 恐宿新動止破戒違經幽顯罪郭日結日纏
 未能解釋善志弟申又懼億曹葛祖七世父

母生平屢重沉淪三塗流連五苦未獲昇遷
 餘殃流注延連後生致祈真難感魔試易干
 無極前後普齋都謝精誠漫昧不蒙於原今
 依八道妙旨的謝先後深愆忤度心識推准
 所行今有某事謹以某物證明至誠依科辭
云云列曷黷上聞辭同辭情款到特乞哀憐即日
 入室登齋誦經行道存師思神念真燒香燃
 燈朝禮玉天修行方術悔罪謝過拔贖深愆
 建立功德極度九玄七祖父母中外先亡解
 釋宿根脫出幽夜上昇南宮窮魂受度轉身
 生天或在道門逍遙福樂與其結緣流恩布
 澤潤洽後昆使臣妾惡罪即釋某云善事光
 新特從高上无極天尊乞垂曲映鑒臣某等
 所陳請煩三寶領仙侍郎五方五帝監靈大
 夫監齋大神典齋使者直齋上真神仙飛仙
 天仙地仙五嶽靈仙兵馬騎乘各九億萬眾
 一合降下營護臣妾等身滅魔消試辟凶穰
 患招致九天自然正氣金液丹精芝英神仙
 交會齋堂神洞曠曠臣妾等身玉童玉女侍衛
 香煙令臣某等行道得道求仙得仙飛行太

空騰景九天舉心願念與三寶齊真七玄父
 母拔度三塗釋九陰之責死魂生天一切諸
 天咸蒙度脫某災消三元罪滅九陰千愆萬
 咎垂蒙哀原某罪亦除免離十苦八難克獲
 神仙被受太真八道八尊无極无量濟度之
 恩修行事竟啓還本宮惟蒙御達須報奉行
 出官卑迴還向東第一三上香呪曰
 太玄都大洞三景弟子小兆真人某嶽先生
 夫人元君臣某姓名等今齋直行道思神念
 真誦經啓願飛騰九天的謝三元燒香燃燈
 持是功德為臣某等解經釋羅斬滅死根降
 致正真刻名上清拔度九玄七祖父母中外
 窮魂斷絕殃注放散幽徒永出地獄上生天
 堂免離五苦受福南宮輪轉成真利祐見在
 除臣某等千基萬考宿對惡緣某罪亦除今
 歸身歸神歸命无上九玄元始玉皇玉帝太
 真鬱單无量天王上上禪喜无量壽天王須
 延天王三十九帝二十四真九天丞相高上
 玉晨太上大道君萬仙眾聖无極天尊願以
 是功德歸流臣某等身解懸釋羅斬滅死根

11-169-1

降致正真刻名上清拔度七組中外窮魂斷絕殃注放散幽徒永出地獄上生天堂免難五苦受福南宮輪轉成真利祐見在除臣某等千基萬考宿對惡緣某罪洗滌身神鍊易其事果成變化洞空飛行玉清金闕之宮今故燒香自歸依高上至極天真得道之後昇入无形與三寶齊輪

第二三上香曰

臣妾等今齋直行道思神念真誦經啟願飛騰九天的謝三元燒香然燈持是功德願為諸十方无極无窮无量无央四垂邊城諸名山隱學已得道未得道法師父母尊親及同學門人道士賢者普獲昇度同免罪門各得其道飛騰上清臣妾七世父母解脫憂苦上生天堂除臣妾等千基萬考宿對重愆如歸身歸神歸命太真三元九玄衆聖萬仙玉皇无極元始高上玉帝无上至極寂然天王不驕樂天王化應聲天王三十九帝二十四真九天丞相高上王晨太上大道君萬仙上聖无極天尊願以是功德歸流諸十方无

極无窮无量无央四垂邊城諸名山隱學已得道未得道法師父母尊親及同學門人道士賢者普獲昇度同免罪門各得其道飛行上清臣妾七世父母解脫憂苦上生天堂衣食自然除臣妾等千基萬考宿對重愆如上今故燒香自歸依虛无太真三元高聖太上至真高上无極至極天尊得道飛仙逍遙金闕昇入无形與三寶齊輪

第三三上香曰

臣某等今齋直行道思神念真誦經啟願飛騰九天的謝三元燒香然燈持是功德願為臣某等家門宗室九族姻親普天匝地帝主國王君臣吏民治舍人民及螻飛蠕動蚊行喘息一切衆生已生未生咸乞生成臣某等家門千罪萬過普蒙哀原惠及諸天一切衆生歸身歸神歸命九天高上衆真玉虛无極元始玉帝太真无上至極九玄玉皇梵寶天王梵迦摩夷天王波梨答惹天王三十九帝二十四真九天丞相高上王晨太上大道君萬仙上聖无極天尊願以是功德歸流臣某等

家門九族姻親帝王國主君臣吏民治舍人民及螻飛蠕動蚊行喘息一切衆生已生未生成得生成臣某等家門千罪萬過普蒙哀原惠及諸天一切衆生並受昇度廣濟之恩免離十苦八難五灾六害九厄七傷各保福祿長居自然今故燒香自歸依高上无極天尊得道飛仙騰景九天昇入无形與三寶齊輪三上香畢向東唱禮如左臣妾等至心歸命東方无極元始高上玉真大帝天尊拜拜畢法師長跪讀懺餘人悉伏聽懺至竟蘇起持身制意慎勿參差懺曰臣某等今建齋立直行道存師思神念真誦經求仙飛騰九天燒香然燈解拔宿愆謝罪三元歸命東方无極元始高上玉帝太真天尊乞垂曲映原臣某等先世今世先身今身的有某罪乞豁然滌蕩除故布新罪目永滅福名長存賜臣某某得度某學道得道求仙得仙飛行太空騰景九天七世父母免離三塗上昇南宮福流无極被受天尊濟度之恩畢同叩頭三下搏頰三過止皆微微安徐勿令有聲也

1 22 A 23-6

次東南 次正南 次西南 次正西

次西北 次正北 次東北 次上方北西

次下方南東

十方懺悔皆如東悉三拜亦可止一亦可心三叩持不可闕不得多及少

次唱禮五方懺

次向西唱

臣某等至心歸命西方元上天尊拜法師小坐讀願餘人伏臣某等今建齋立直燒香然燈解拔宿罪千答萬愆的有某過願從西方元上玄空洞大始九玄元素玉真人高聖上仙龜臺玉妃玉虛太靈无極天尊垂恩曲映特見哀原拘除某過賜某事行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩各三拜頌

次向北唱效西

臣某等今建齋立直燒香然燈解拔宿罪千答萬愆的有某願從北方元上太空玄洞紫虛元始丈人三天玉童高上玉晨太上大道

君太真丈人太真王北候中真高玄萬仙上聖天尊垂恩曲映特見哀原拘除某賜行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次向東唱效前

臣某等今建齋立直燒香然燈解拔宿罪千答萬愆的有某願從東方元上高上九玄玉虛帝皇泰清玄元上三天无極大道太上老君諸君丈人賜谷神王扶桑大帝君天帝君太微帝君中央黃老君九老仙都君九炁丈人泰清玉陛下上清太真玉保王上相東海玉門青華小童君高仙萬聖至極天尊垂恩曲映特見哀原拘除某賜行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次向南唱效前

臣某等今建齋立直燒香然燈解拔宿罪千答萬愆的有某願從南方元上太空九玄元始洞靈虛皇玉帝南極上无禁君南昌司命

長生君洞陽高聖上仙天尊垂恩曲映特見哀原拘除某賜行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次向中央太歲上唱效前

臣某等今建齋立直燒香然燈解拔宿罪千答萬愆的有某願從中央元上无極无窮太虛空洞玄古先生萬道父母執虛青要君後聖九玄金闕帝君太華玉靈中玄四真高聖中皇上仙天尊垂恩曲映特見哀原拘除某賜行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

禮五方竟還向東思神閉目叩齒五嚙液五存五神備在身中五符煥明內外五方羣魔奔走遠近來侍衛者嚴裝羅列在真官後良久嚙液三叩齒三誦人鳥山經呪曰

黃中策炁斬妖宗察制殭精斷邪翁太上有命太上房急召北帝詣玉宮奉承威令宣魔王九炁翁與命衛祕藏玉文方就降三天

運明六天運終賢者哉思神呪畢誦十方回
玄如左

北方太上頌曰

太上發玄靈煥爛敷真方落落散天寶十方
所共尊不始亦不終不明故无昏仰登玉京
臺遙遙想嶼嶼超度泉曲都魔王願欲聞七
祖受化生解我宿世怨入控飛玄景出駕浮
紫雲

東北方太上頌曰

重暉曜玉晨乘景開圓明若若洞真殿見見
七寶精一念度八難長與太上并經旋獻黃
景日華虛中生世人不念道莫聞智慧經大
矣洞真戒玄感魔王誠萬劫若一息豈繫千
億齡

東方太上頌曰

太上體太无散形凌弱養務猷宣玄術天真
並讚揚有緣文自表元因經為藏若能得此
道首即生圓光身濟无待津飄飄逸仙堂
東南方太上頌曰
元无竟元未有有安入妙天輪村无上玄宗

自有要迴轉三寶輪十方普震耀太上觀玉
京魔王空中嘯天帝又手唱眾真乘虛笑散
華正我念八願自然超

南方太上頌曰

靈仙乘慶霄駕龍躡玄波洽真表嘉祥濯足
以八河福應不我期故能釋天羅道德冠三
界地綱亦已過感遇靈真會淨慧經蓮華
西南方太上頌曰

无上覺四輩茫茫大方外幽顯諒有由无幽
故不昧來羅運玄輪真仙萃華會時遊眇莽
間天人无見際
西方太上頌曰

靈妙寄宣述天人有津岸汎舟不測淵常恐
風波換其緣有前力智識誰能算舟舟任玄
樞昭然冥因判挺類應真子靈翠空中瑋淨
思恭十方去留不我羨

西北方太上頌曰

太上敷洞文賢賢歸大緣蕭條三寶圓繁華
秀我因伯史與入精質淨生金身終劫復始
劫愈覺靈顏新希度禮无上度文降至真道

林蔚天京下光諸地仙縱容散靈威洋洋大
法宣

上方太上頌曰

太上觀十方晦藹融風穆圓光映三辰真人
被天服魔王又手立司迎鄭京側日月翳行
曜七寶煥无極一切營此時福滅地獄息眇
平无量尊天人莫能測
下方太上頌曰

三寶繫十方疊疊空中澄宛轉隨化理一感
法輪昇莫嫩暗昧闕四大與時興空有靡不
有崔嵬多山陵太上无滯念滅念歸大乘
六時承素靈之由太霄琅書
大多不載臨時取來味之

五帝憂樂之辭巡行三周周於南方向北止
誦四極五苦詩三篇如左

大洞總三倫元化有无形寂若元根教肅若
有感靈哀哉三塗中憂苦從是生至學慎茲

戒積善窮劫齡劫盡化生天身與日月并愚
癡隨世好浮學以求榮宣化无網紀輕漏天
寶經目科入死門四極結尔名魂神履九難
五苦長尔嬰食火踐刀山艱辛无暨寧歎此

禍福原悠悠中甚明高上遺嚴戒禍福令人
 歎仙道本由運冥中亦已判無運亦不啓既
 悟常若晏若能崇玄科自然超霄漢苟貪愛
 欲累何為強教既居罪結四明生死履苦難
 流曳五苦庭三塗結不散沉靈九幽掠萬劫
 无待旦悲此元始教能不使人怨寥寥九玄
 上翳翳初化始无形亦无景无深亦无測二
 儀啟運彰結悉以成淨三晨朗元室五九有
 網紀禍福由人生善惡竟孰在若能悟玄覺
 超然凌高識苟執代命斧積壘盈心裏沉罪
 結四明宿罰良有已生身負風刀五苦无窮
 解七玄填幽夜萬劫方一紀流連三塗中未
 悟有生死
 誦五苦畢唱
 臣某等至心歸命太上無極大道太真尊經
 寶符玄中大法師老子青童君九拜亦可三拜亦可心拜
 三尊九拜畢叩禱各九止仍復鐘
 若同侶為人的謝十五方雖竟猶應都謝大
 懺散髮注心其文在左
 太玄都三洞法師某徽先生小兆真人三景

弟子奉行大洞經事臣某姓名上啓
 太上上上无極无窮至上洞真九玄元父太
 虛玄母元始天王高上玉虛萬道丈人靈單
 无量天王上上禪善无量壽天王頂延天王
 寂然天王不驕樂天王化應聲天王梵寶天
 王梵迦摩夷天王波梨答怒天王九天丞相
 三天玉童高上三十九帝二十四真玄古先
 生萬始丈人高聖玉晨太上帝道君扶桑太
 帝暘谷神王四司五帝西臺龜母上清太真
 玉保王上相大司命高晨師東海玉門青華
 小童君泰清玄元上三天无極大道太上老
 君太上丈人天帝君九老仙都君九炁丈人
 等百千萬重道炁千二百官君泰清玉陛下
 无鞅數道上皇真人无極天尊係自然玄
 都元皇三界内外應感正神臣某等諫藉宿
 慶陶染玄真奉修寶經不敢有懈但稟性闇
 淺未達清深遵行違科動止成疊宿罪既重
 今愆又增懼殞漏刻微願不申今幸蒙大慈
 賜加善貸普及寸陰庶立丹志依法奉辭謹
 讀以聞辭本辭情款到仰希哀矜賜以三省

之澤原赦臣妾等前世今世先身今身及七
 玄七祖中外種親君臣師友一切因緣前亡
 後死見在世間有陰陽重罪生諸災害學官
 不達所願不成今洗心歸命散髮頓頭特願
 三尊淨然垂亮勅勒所由班下正職拘除臣
 某等及上世因緣幽顯動止違逆之愆或不
 慈不孝不仁不明不恭不遜不信不忠不嚴
 不斷不讓不廉不施不救不清不平不正不
 通不勤不順或手害人命劫賊攻略謀圖姦
 淫九族交接或教人殺戮酷虐衆生劫略謀
 圖姦通九族嫉賢妬能代逆師主或受經泄
 露輕慢寶章或染法混俗哭泣臨尸履冒血
 穢不自改悛或行用寶訣帶近女人陰陰雜
 亂不遵七經或叨參三洞不除三尸心懷陰
 賊手肆頑凶噴嗚自專傷毀同氣破賊誣誥
 違負三尊或便旋典居不顧禁忌公知故犯
 私欲乖科飽食醉酒作性異常虧道壞法協
 邪疑真或不師受竊經輒傳不齊告盟率爾
 交換假借施行欺侮百姓改易聖文意通玄
 妙廢古競今自作一法或奏道不精經无堂

室供養不具朝禮頓替異人婦女共慶往來
服飾交關非類相會或處高位尊上師君輕
蔑目下殺害无辜賞罰不平取與无定任愚
恣慾觸犯三光或為臣子吏民僕隸出入欺
罔竊濫縱橫弒逆反倒干忤五行或男女醜
獲始害公私棄正逐邪誹謗真道知惡不悔
悔又重犯積結未解悉乞蕩除解罪布福和
釋怨仇消滅註訟杜絕惡源先亡眷屬同免
幽泉俱昇光景利祐後人善神擁護扶助存
亡令死者輪轉與道結緣生者學業功行惟
新墳墓安穩宅舍清寧家園興隆道化日盛
群魔降伏眾聖來遊二儀交泰三光同明七
曜无舛九皇調均四海停波五嶽秀峰風雨
普適穀稼豐盈一切荷慶天下太平特願玄
慈賜如所請蒙恩果願不廢今言上明大道
更造之施下副臣妾等渴仰之誠
大懺竟向東叩齒三十六通讀五遍此別
通用

第一上願我生自然之炁炁中結成我身身
與三光齊倫長享无極之根

二願我身常處太空之上瓊宮玉房之裏朝
與玉帝同宴夕與玄母同遊渴喻浪井洪泉
玉芝飢飽龍胎瓊油絳樹赤子
三願我身身生萬怪七十二光奇毛異質飛
羽衣裳乘虛駕空出入帝宮眾慶來臻萬壽
无量
四願與炁俱生與炁俱死而又生生為帝
王封掌十天總領羣仙
五願一切眾生已生未生同保日月三光有
道之人七玄之祖上昇南宮天下之福靡有
不富四方五願並會玉堂
次上願九玄扶養我身魂魄真神常居我宮
上通天仙下達洞淵願地願風願雲願神五
願一合定籍長生天降紫煙地衛五靈乘雲
駕虛飛蓋綠輦上造金闕進登玉清慶及七
祖更受胎生上願五合長享利貞
中願亦五得道本根願陰願陽願太空願太
元願太玄上安玉房與帝同緣遊眇生闕披
浪九天元父定籍玄母記年桃康結精固保
丹丹身騰金剛名書玉篇七祖解脫福慶來臻

下願亦五願太虛願太有願太上願太真願
神仙運身於五嶽之嶺飄飄九霄之際出入
開關之裏移脫死尸之外願天地為我父母
三光衛我年萬神守九泉之孔靈降自然之
炁以方五願舉響而會
願畢叩齒二十七呪曰
太帝上元帝一玄經五雲散景鬱微三清玉
童玉女燒香侍靈上願開陳與我合併使我
神仙上昇帝庭北帝落死南關注生東華金
格得上我名无窮之願與我齊并畢又叩齒
三七仰嘯炁五過止
呪畢三捨香復鑪曰
三元三天五嶽五帝神仙使者三炁正真左
右龍虎天仙地仙飛仙神仙五靈香官當令
招致十方正炁自然金液丹精芝英九玄玉
真交會壽堂靈壇洞灌臣某等身中使臣某
等學道得道求仙得仙飛行太空騰景九天
玉童玉女侍衛香煙奏臣某等所路上御
高上无極太上大道玉皇帝九前
畢叩齒九通嘯液九過都止

後籙仍迴巡出時行詠如左

右六篇六時各誦一若三時迭互周而復始詠畢出呪嗽悉如朝儀食後上經講至戶亦嗽口叩齒三通存神如法心禮三拜密呪曰玉帝上法上聞三清吉日齋戒開我神經萬

試隱伏所向皆成玉童侍護玉華散馨上生三元與我長生如用經入堂向道禮三拜若人衆可巡行至東若定位俱三拜亦可一拜亦可心拜拜畢正坐坐定閉目握固叩齒存頭正青如碧玉兩手如丹兩脚如雪魂備左魄

守右良久閉目按掌案摩上坐存畢上高座誦經講義先向道座禮九三一拜登高座開經時先叩齒三十六通嚙液三十六存迴風混合帝一百神萬真仍密呪曰

微微玄宗門煥玄微空洞至道由靜默當見三素宮大道於此成縣景乘雲龍左右侍經人玉女及玉童身濟不死津解羅頓靈風七祖反胎生世為神仙宗讀三十九章雌一大有九真太丹北向心禮四方叩齒三十六嚙液三十六存五藏之內有五色之光注五星

之精然後請神州次百神內名乃誦三十九章心目相應不得雜想念篇句畢了不得中住讀三十一卷北向心拜四方叩齒二十四嚙液三十四存五星日月三精玄注此身餘卷依別訣

讀智慧經及偈讚先閉目叩齒三嚙液三存三素元君在金華宮如櫻兒狀而詠文也讀經講義畢俱下正立禮三尊三拜拜竟同伏叩齒三密祝曰

陵梵履昌七靈丈人太一務猶五神黃寧上昇九天與帝共并乞願飛仙七祖胎嬰解愆釋羅上登玉清畢又叩齒七通嚙液三過止起出戶存神晨夕常耳七月上昇日夜三時六時存呪皆同入壇壇者呪中小異言堂室處易云壇壇耳壇壇堂室內外皆三重上座

大法法師入內次下座佳中次對齋佳外堂壇之燈七九之外隨宜燃之大略依上元九十中元六十下元三十六合一百八十六羅列堂壇左右門閣太歲月建日辰本命行年之上太歲本命晝夜常明餘唯夜朗若雨於

堂然二燈餘者可門行道畢各向本命及太歲燈再拜啓乞求願隨意所言又依四極明科立春春分九燈列庭中立夏夏至八立秋秋分六立冬冬至五本命十二燈八節向玉本命向太歲叩齒二十四呪曰

高上太真萬聖五帝皇帝玉司總仙監真今日吉晨八節開陳陽罪陰考絕滅九陰於今永始拔擢七玄免脫火鄉長離刀山三塗五若不累我身得同天地克保帝晨五願八會靡不如言

畢解巾叩頭一百二十下額向地而已勿令痛竟復巾仰天心念我身今日上享天恩賜反形骸更生飛仙畢仰嚙二十四悉止三年愆除身與真同耳壇壇四方合一百八十六燈九丈者方各一百八十六合六百四十四

也此外千八百六十燈門庭巷路侍之至曉風雨則停日限竟止都竟言功齋竟之朝行道之後未可復籙仍唱各稱名位某位凡所受通高卑依次言之極大法者如黃素若泰神蘇治歷稱在前上啓三元太真洞空九玄太虛高上玉皇三

十九帝二十四真高聖玉晨太上大道君四
司五帝萬道元始上聖至極天尊臣等好道
樂仙志願騰景九玄上謁上真以某月某日
時於某處開啓齋直行道誦經思神念真合
藥精思謝罪立功洗心竭力遵法依科修行
事竟日限訖今所啓上請萬上三元三清三
寶領仙侍郎五方五帝監靈大夫典齋使者
飛仙天仙地仙神仙五嶽四瀆四方監察真
官靈仙謁還真官進品上仙加爵帝秩隨品
署真當如太真之儀令臣某等九玄七祖中
外先亡同免幽夜俱入光明宿罪解釋福德
與陰臣某等行道得道求仙得仙作丹成丹
作金成金精思感通神明交遊謝罪罪釋祈
福福臻分形變化七十四方三元下降降致
綠駢飛行上清騰景九天日月同輝三寶齊
輪惟蒙至上鑒映丹情臣某等學法未備俯
仰之務齋法難精多違妙軌不合典式進止
犯科爲四司所糾五帝所執千愆萬罪特希
赦宥哀原未悟愚昧不及矜獎善心不賜謹
罰臣某五體真官隨尋仙職上詣玄都依品

受秩班實事竟還臣某等身中與臣某等同
科昇飛行太空謹以啓聞伏願告報臣某等
誠惶誠恐稽首再拜以聞
畢再拜又三捨香復鑑出詠呪漱如常
凡所送之物所作之事皆用正齋之日隨便
施行若風雨阻異可至齋後不得過九日過
此更齋首謝愆深所爲未遂今更啓告乞果
素心齋中吉凶公私觸忤不終齋事後皆更
營十之百之得應乃止
凡四時之日數不可過復不得減事悉取周
若計用功夫身力不賸當貨賣借人相助爲
之所賦諸物分人廣布必是同志勿使雜人
或所住幽僻去邑道避皆嚴裝船車辦種事
計力齋日限成就工夫不得違違遷延日月
忽遇窘迫忘失前爲爲禍得禍明各慎之凡
所辦法物未得輸送非意去失水火盜賊魔
鬼竊藏醜類穢污皆應委捨啓告墳埋不得
供他凡穢之用悉更新辦依法勿虧亦應別
辭啓告首謝

時并解當三年取周三年二十四節不可虧
一虧一更始此甚爲難非精志者莫能辦之
辦之不辦皆不得道將來之緣不副今日今
日之願當勤精察營念不忘无不果者其中
數災數厄數罪相關共在六條者一時并解
六條不必六時時解一事也三年之後未得
感通乃可一時一事的的解之積年周竟必
獲上昇也

洞真太上八道命籍經卷下